



IZVJEŠTAJ

o radu Općinskog načelnika i Službi za upravu Općine Trnovo za 2020. godinu

Trnovo, januar 2021.godine

Poslovi i zadaci lokalne samouprave iz izvorne nadležnosti općine, kao i upravni poslovi koji se federalnim i kantonalnim zakonom stave u nadležnost općine, vrši Jedinostveni organ uprave, putem:

SLUŽBI ZA UPRAVU:

- Služba za opću upravu, društvene djelatnosti, boračku - dječiju i socijalnu zaštitu,
- Služba za urbanizam, komunalne poslove, investicije i zaštitu čovjekove okoline,
- Služba za geodetske, imovinsko – pravne poslove i katastar nekretnina,
- Služba za civilnu zaštitu i inspekcijske poslove,
- Služba za privredu, finansije i lokalni ekonomski razvoj,

POSEBNIH SLUŽBI OPĆINE

- Stručna služba općinskog vijeća i općinskog načelnika.

UVOD

2020. godinu obilježio je rad u otežanim uslovima uzrokovanim pojavom pandemije zarazne bolesti COVID 19. U skladu sa nastalom situacijom, preduzimane su preventivne mjere u cilju smanjenja opasnosti od širenja zaraze. Općinski Štab civilne zaštite Trnovo je radio na provođenju preventivnih mjera na smanjenju opasnosti od širenja zarazne bolesti uzrokovane koronavirusom na području Općine Trnovo.

Shodno naredbama Federalnog i Kantonalnog štaba civilne zaštite organizovan je i rad organa uprave u uslovima pojave pandemije, što je imalo veliki uticaj na samu organizaciju rada i izvršenje radnih zadataka i projekata tokom 2020. godine.

Prema važećem Pravilniku o unutrašnjoj organizaciji jedinstvenog općinskog organa uprave i posebnih stručnih službi Općine Trnovo sve poslove i zadatke iz nadležnosti organa uprave trenutno obavlja 50 zaposlenika (pravilnikom predviđeno 62) koji su posao obavljali zakonito i nepristrasno, stručno i efikasno, odgovorno i pouzdano, kreativno i motivirano i ljubazno sa razumjevanjem što je i oslikavalo politiku kvaliteta Općine Trnovo.

U 2020. godini kroz upisnik UP provedeno 1.251 akata, kroz djelovodnik provedeno 3.829 akata i kroz upisnik za ovjere 5.083 akata.

Općina Trnovo je i pored otežanih uslova rada, obezbjeđivala javnost rada u postupku donošenja odluka, uključivanjem javnosti, odnosno omogućavanjem građanima da neposredno učestvuju u postupku donošenja i odlučivanja, u skladu sa zakonom i statutom.

Transparentnost je obezbjeđivana kroz slobodu pristupa informacijama i informisanje javnosti, objavljivanje izvještaja, Budžeta i drugih sadržaja, putem sredstava javnog informisanja, vlastitog informacionog sistema i drugih oblika informisanja. Općina je objavljivala i na drugi način učinila javno dostupnim svoje propise i akte.

Općina Trnovo je u izvještajnoj godini radila na donošenju novih provedbeno planskih akata i izmjena i dopuna određenih urbanističkih projekata u cilju realizacije značajnih projekata za ove prostore.

Na osnovu provedenih situacionih i drugih kvalitativnih analiza postojećeg stanja, te pažljive procjene razvojnih mogućnosti, a u skladu sa vizijom održivog razvoja općine Trnovo, provedeni su i praćeni osnovni parametri strategije tj. razvojni prioriteti u oblasti životne sredine i infrastrukture, u oblasti ekonomskog i ruralnog razvoja, te u oblasti društvenog razvoja.

Općina Trnovo je u mjesecu martu uspješno provela online recertifikaciju sistema kvaliteta ISO 9001:2015.

U skladu sa normama međunarodnog standard ISO 9001:2015 vršeno je kontinuirano praćenje realizacije definisanih ciljeva kvalitete kao i njihovo redovno procjenjivanje i održavanje u okvirima definisanog nivoa. Na osnovu novih zahtjeva standarda izvršena i procjena rizika.

Općina Trnovo je zajedno sa drugim općinama Kantona Sarajevo, intenzivno radila na rješavanju određenih ključnih pitanja koja su bitna za funkcionisanje općine kao jedinice lokalne samouprave, kao i za život i dobrobit njenih građana.

U toku 2020. godine realizovane su sve aktivnosti na izradi monografije Općine Trnovo, prikupljanje arhivske građe, dokumentacije, fotografija i drugog materijala za potrebe izrade. Monografija obuhvata periode Trnova u najstarije doba, u vrijeme osmanske uprave, austrougarske vladavine, Trnovo između dva svjetska rata, Trnovo u drugom svjetskom ratu, u vrijeme agresije na Republiku BiH i period nakon agresije.

U ovom Izvještaju prezentirani su poslovi urađeni u 2020. godini iz djelokruga organa uprave i službi za upravu, u skladu sa Programom rada za 2020. godinu.

1. Služba za opću upravu, društvene djelatnosti, boračku - dječiju i socijalnu zaštitu

Poslovi iz djelokruga rada ove službe vrše se bez unutrašnjih organizacionih jedinica. Za vršenje poslova i zadataka iz nadležnosti ove službe utvrđeno je 23 radnih mjesta.

U izvještajnom periodu služba je zaprimila 169 upravnih i 501 obična akta.

Građanska stanja i evidencije

UPIS U MATIČNU KNJIGU ROĐENIH	23
UPIS U MATIČNU KNJIGU VJENČANIH	18
UPIS U MATIČNU KNJIGU UMRLIH	37
SMRTOVNICE	36
IZVJEŠTAJ O ZAKLJUČENJU BRAKA PROVEDENIH KROZ MATIČNE KNJIGE ROĐENIH I RAZVODI	17
IZVJEŠTAJ O SMRTI	302
PROVJERE UPISA U MATIČNU KNJIGU ROĐENIH I KNJIGU DRŽAVLJANA ZA IZDAVANJE BIOMETRIJSKIH L.K I PASOŠA	412
VERIFIKACIJE UPISA U MATIČNE KNJIGE: - MKR - MKD - MKV - MKU	
OSTALI AKTI	179
STATISTIKA I IZVJEŠTAJI	87
IZDATI IZVODI IZ MKR	78
IZDATI IZVODI MKD	37
IZDATI IZVODI MKV	55
IZDATI IZVODI MKU	12
CENTAR ZA BIRAČKI SPISAK	1253
BROJ UNOSA U MATIČNE KNJIGE	170

Donešeno je 16 rješenja o ispravkama u matičnim knjigama, 3. Rješenja o naknadnom upisu u matične knjige i 1 dopuna rješenja o upisu u matičnu knjigu rođenih.

Boračko-invalidska zaštita

Po Zakonu o dopunskim pravima boraca Kantona Sarajevo pokrenut je 91 postupak za ostvarivanje prava iz oblasti boračko-invalidske zaštite.

Od tog broja podneseno je:

- 19 zahtjeva za naknadu troškova dženaze za pripadnike OS R BiH, ratnih vojnih invalida i članova njihovih porodica i članova šehidskih porodica od kojih su svi pozitivno riješeni,
- 3 zahtjeva za egzistencijalnu naknadu za demobilisane borce, po federalnim propisima,
- 47 zahtjeva za egzistencijalnu naknadu za demobilisane borce, po propisima Kantona Sarajevo,

- 2 zahtjeva za oslobađanje obaveze plaćanja naknade za pogodnost /rente/ i naknade za uređenje građevinskog zemljišta.
- Nije bilo zahtjeva za priznavanje prava na besplatnu vožnju.
- 3 predmeta u postupku prestanka prava na zdravstvenu zaštitu pokrenuta po zahtjevu stranke,
- 13 zahtjeva za banjsko liječenje, o kojim odlučuje Kantonalno ministarstvo za boračka pitanja,
- 6 predmeta u postupku prestanka prava na porodičnu invalidninu po službenoj dužnosti – šehidska porodica

Po Zakonu o socijalnoj zaštiti, zaštiti civilnih žrtava rata i zaštiti porodice sa djecom pokrenuto je:

- 6 predmeta u postupku zakonske revizije na nastavak prava na porodičnu invalidninu civilnih žrtava rata /CŽR/,
- 26 postupaka po službenoj dužnosti, u postupku revizije prava na dječiji dodatak,
- 12 zahtjeva za naknadu za majke dok odsustvuju sa posla za vrijeme porođaja i njege djeteta, koji su pozitivno riješeni,
- 7 zahtjeva za naknadu za majke porodilja koje su prijavljene na biro za zapošljavanje, koji su pozitivno riješeni,
- 10 postupaka po službenoj dužnosti u obnovi prava na dječiji dodatak za RVI,
- 10 postupaka u predmetima prestanka prava na dječiji dodataka za RVI,
- 2 postupka u predmetima prestanka prava na zdravstvenu zaštitu RVI.

Redovno se vrši obračun egzistencijalne naknade demobilisanim borcima koji su to pravo ostvarili po federalnim ili kantonalnim propisima.

Vršen je redovan obračun naknada prema Naredbi o iznosima po Zakonu o socijalnoj zaštiti, zaštiti civilnih žrtava rata i zaštiti porodica sa djecom, kao i Instrukcijama o isplati koji se dostavljaju mjesečno od Ministarstva za rad i socijalnu politiku.

Takođe, vršen je redovan obračun sredstava ličnih i porodičnih invalidnina po Zakonu o pravima branilaca i članova njihovih porodica, a prema Naredbi Federalnog ministarstva za pitanja boraca.

Podrška iz oblasti socijalne zaštite

Općina Trnovo u okviru svoje djelatnosti vodi socijalnu i zdravstvenu politiku kroz brigu o djeci, starijim osobama, nezaposlenim osobama u teškoj materijalnoj situaciji, osobama oboljelim od teških oboljenja, borcima oboljelim od teških malignih bolesti, pomoć novovjenčanim parovima, pomoć porodiljama i dr.

Realizacija zahtjeva iz oblasti socijalne zaštite vršena je na osnovu podnesenih zahtjeva, uz priloženu dokaznu dokumentaciju.

Služba za opću upravu, društvene djelatnosti, boračko - invalidsku, dječiju i socijalnu zaštitu u 2020. godini je realizovala aktivnosti iz oblasti zaštite porodice sa djecom i zdravstvenu zaštitu.

Općina Trnovo je obezbjedila sredstva za zdravstvenu zaštitu lica starijih od 65 godina života koji ne ostvaruju ovo pravo po drugom osnovu.

U 2020. godini isplaćivane su i stimulatívne pomoći porodiljama u iznosu od 600,00 KM za svako rođeno dijete upisno u MKR – Trnovo, kao i pomoć novovjenčanim parovima u iznosu od po 500,00 KM, kako bi mlađe porodice ostajele da žive na ovim prostorima.

Obezbjedeña su i sredstva za prevoz djece sa posebnim potrebama.

Općina Trnovo izdvaja i sredstva za 10 vozača koji vlastitim vozilima vrše prevoz učenika osnovne i srednje škole koji nemaju prevoza do škole, koja se refundiraju Sporazumom o zajedničkoj saradnji sa Ministarstvom saobraćaja Kantona Sarajevo.

U okviru raspoloživih kapaciteta, zaključno sa mjesecom decembrom 2020. godine pravo na zdravstvenu zaštitu osoba starijih od 65 godina života ostvaruje 40 lica koja to pravo ne mogu ostvariti po drugom osnovu.

U protekloj godini pokrenuto je 5 postupaka odjave osiguranja po službenoj dužnosti i 2 postupka prijave na zdravstveno osiguranje po zahtjevu stranke.

Za pomoći iz oblasti socijalne zaštite, koje daje Općina Trnovo zaprimljeno je 414 zahtjeva, od toga je :

- Jednokratna pomoć za socijalno ugroženo stanovništvo - zaprimljeno je 164 zahtjeva, od toga 136 pozitivno riješenih, a 28 zahtjeva nije zadovoljavalo uslove.
- Jednokratna pomoć za liječenje teških oboljenja - zaprimljeno je 112 zahtjeva od toga je 96 pozitivno riješenih, a 16 zahtjeva nije zadovoljavalo uslove.
- Jednokratna pomoć za liječenje malignih oboljenja za borce - zaprimljeno je 11 zahtjeva i svi su pozitivno riješeni,
- Pomoć porodiljama - zaprimljeno je 19 zahtjeva i svi su riješeni pozitivno.
- Pomoć za novovjenčane parove - zaprimljeno 11 zahtjeva i svi su riješeni pozitivno.
- Pomoć u sličaju smrti užeg člana porodice - zaprimljeno je 17 zahtjeva od čega je 16 riješeno pozitivno i 1 zahtjeva nije ispunjavao uslove.
- Zahtevi za pomoć raznim udruženima, pojedincima institucijma idr...- zaprimljeno 83 zahtjeva od čega je 58 pozitivno riješeno i 24 zahtjeva nisu ispunjavali uslove.
- Zaštita starijih i iznemoglih lica kao i lica sa invaliditetom i porodica sa djecom obavlja se jednokratno po polugodišnjem planu obilazaka koji je preuzela Služba civilne zaštite Općine Trnovo za 2020 godinu.
- Pomoć u opremanju djece u školu prvih razreda ostvarilo je 8 prvačića i 13 porodica sa dvoje i više djece i 29 djece je ostvarilo pomoć za prevoz srednjoškolcima koji vozare iz Trnovo u gradske škole.

Partnerski odnos sa boračkom populacijom

Svi bitni datumi i događaji su provedeni u skladu sa Kelendarom za obilježavanje značajnih događaja i datuma iz perioda odbrambeno oslobodilačkog rata 1992-1995. godina na području Općine Trnovo, kojim se definišu značajni događaji i datumi, određuje finansiranje, nosioci aktivnosti i način obilježavanja. Općina Trnovo svake godine izdvoji sredstva za finansiranje svih aktivnosti utvrđenim Kelendarom.

U 2020. godini obolježeni su svi događaji i datumi prema općinskom i kantonalnom kalendaru uz poštivanje svih mjera zaštite od novonastale situacije izazvane epidemijom korona virusa (Covid-19), održavanjem svečanosti sa ograničenim brojem ljudi i polaganjem cvijeća.

Iako nadležnost za pružanje pomoći boračkim kategorijama imaju Ministarstva za boračka pitanja FBiH i KS, Općina Trnovo je:

- finansijski podržala sva udruženja koja okupljaju boračku populaciju sa svim zahtjevima upućenim prema Općini,
- pomoći u liječenju boračkih kategorija, svim pojedincima, pomoći u slučaju smrti užeg člana porodice, te svim koji su podnijeli zahtjeve preko udruženja na području Općine,
- podržani su i svi upućeni zahtjevi za naučno-istraživačke radove, diplomske post diplomske i dr zahtjeve koji su se na bilo koji način odnosili na pomoć borcima i članovima njihovih porodica,
- pomoć u paketima sa hranom je obezbjeđena za sve boračke kategorije za pomoć u borbi protiv novonastale situacije izazvane epidemijom korona virusa (Covid-19).

Podrška mladima i motivisanje za povratak i ostanak

I u 2020. godini Općina Trnovo je dodjelila stipendije učenicima srednjih škola i studentima na osnovu Pravilnika o stipendiranju učenika srednjih škola i studenata koji imaju prebivalište na području Općine Trnovo, a koji ne koriste stipendiju po drugom osnovu. Nastavljena je praksa kao i u ranijim godinama pomoći manifestacijam kulturnog i sportskog sadržaja, a nije izostala ni pomoć sportskim i kulturnim društvima koje djeluju na području općine.

I tokom 2020. godine izraženi su veliki problemi u pogledu normalnog funkcionisanja javnog prevoza i to naročito minibuskog saobraćaja, koji uopće nije funkcionisao, tako da mjesne zajednice Šabići i Delijaš uopće u ovoj godini nisu imale bilo kakav javni prijevoz.

U narednoj godini mora se iznaći način da se uspostavi i poboljša javni prijevoz na cjelokupnom području općine Trnovo, jer je to egzistencionalni uslov za ostanak i povratak stanovništva na područje općine Trnovo.

U cilju stimulisanja održivog povratka i ostanaka mladih općina je:

- stipendirala 57 učenika srednjih škola koji stanuju na našoj Općini;
- stipendirala 9 redovnih studenata tehničkog smjera s iz Općine;
- stipendirala 12 studenata društvenog smjera iz Općine iz porodica slabijeg imovinskog stanja;
- jednokratno finansijski podržala 15 odličnih studenata na master i doktorskom studiju i učenike srednjih škola koji nisu ostvarili stipendije;
- realizovan javni poziv (Su)finansiranje prekvalifikacije mladih iz Općine i osposobljavanje za tržište rada (biće završen do kraja godine);
- kontinuirano podržavanje JU OŠ "Zaim Kolar" – Trnovo, u svim opravdanim zahtjevima koji su pristigli prema Općini Trnovo;
- Općina Trnovo je i ove godine finansijski podržala projekat "Škola u prirodi" u saradnji sa Ministarstvom za obrazovanje, nauku i mlade KS-a;

Kultura

Ono što ističe i krasi svaku društvenu zajednicu jeste kultura. Kultura obuhvaća književnost, pozorište, film, muziku i druge oblike duhovnog stvaralaštva, običaje, tradiciju, jezik kojim govorimo, kulturno naslijeđe itd. Upoznavanjem sa različitim oblicima kulture čovjek neprestano gradi i usavršava svoju ličnost i karakter, obogaćuje svoj život novim stavovima i uopšteno širi sopstveno životno iskustvo.

Kultura predstavlja ukupnost obrazovanja, znanja, vještina, etičkih i socijalnih osjećaja, društvenog ophođenja i ponašanja nekog pojedinca u odnosu prema drugome. Ona se može nazvati svim onim što je čovjek stvorio i iskazao predmetima ili simbolima. Učestvovanjem i posmatranje različitih kultura sadržaja omogućava nam da jednu situaciju sagledamo na mlađo drugačiji način, da bolje razumijemo ljude, prihvatamo i cijenimo različitosti, te obogatimo naš život za neka nova iskustva, načine razmišljanja i uopšteno steknemo širi pogled na svijet.

Oblici djelovanja kulturno-umjetničkog društva (ansambli, sekcije, grupe) realizovali su niz umjetničkih sadržaja, sa kojima su obilježili protekli period veoma uspješno i održali nivo kontinuiteta, kvaliteta, kvantiteta i ukupnih organizacionih djelovanja i entuzijazma koji je evidentan i izražen u proteklom periodu.

KUD „Biseri Bjelašnice“

Kud „Biseri Bjelašnice“ je udruženje koje djeluje petnaest godina, te na jedinstven način pokušava od zaborava da sačuva i na mlađe generacije prenese običaje, pjesme i igre naroda Bjelašničkog kraja. U društvu djeluje pjevački zbor izvornih pjesama koji na sceni u originalnom izvornom obliku u tradicionalnoj nošnji izvode: gange, bećarac, brojnice.

Danas društvo broji 200 aktivnih članova koji su raspoređeni u 3 ansambla i 50 starijih članova koji imaju za cilj da na mlade prenesu običaje i pjesme sa područja bjelašničkog kraja.

Zbog pandemije virusa COVID-19. sve programske i druge kulturne aktivnosti su otkazane.

Takođe, zbog istog razloga nisu ni održani tradicionalni mevludi koji pored vjerskog imaju i određene karakteristike kulturnih događaja, jer se poslije vjerskog dijela organizuju kulturno-zabavni sadržaji primjereni tradiciji i običajima ovoga kraja.

Javorwood festival

Javorwood festival koji se trebao održati od 1-3 augusta 2020. godine je takođe odgođen zbog pandemije virusa COVID-19.

Sport

Najšire gledano, sport je moguće definisati kao slobodnu ljudsku aktivnost usmjerenu na razvoj psiho-fizičkih sposobnosti. Nekad se nivo dostignutih sposobnosti iskazuje kroz takmičenje sa drugima i nastojanje da se ostvari maksimalni rezultat, dok se nekad radi o takmičenju sa samim sobom ili, pak o fizičkoj aktivnosti usmjerenoj na unapređenje zdravlja ili na psihičku relaksaciju.

Zbog pandemije corona virusa u 2020.godini organizovano je vrlo malo sportskih aktivnosti, uglavnom one koje su se odnosile na zimske sportove i koje su održane u prvom kvartalu godine.

U Navedenom periodu /januar-februa/ održana su i redovna skijaška takmičenja koja se svake godine održavaju na Bjelašnici, i to:

- FIS CUP „Djeca za mir u svijetu“
- FIS CUP „Srebrena Lisica“
- FIS CUP „Ilidža“

Općina Trnovo je u proteklom periodu, finansijski pomogla sljedeće subjekte i manifestacije:

- iznajmljivanje ski opreme povodom organizovanja skijanja za djecu šestih razreda OŠ „Zaim Kolar“,
- sportske manifestacije u obilježavanju važnijih datuma Općine Trnovo,
- Na nivou Mejsnih zajednica, održavanje Veteranski sportskih igara.
- Pomoć sportskim klubovima i pojedincima: Odbojkaški klub „Ilidža“, Konjički klub „Basquil“, Udruženje fudbalskih sudija Kantona Sarajevo, Kik boks klub „Kule“ Trnovo, Iron Puki Boxing Klub.

Udruženje „ATV QUAD KLUB BJELAŠNICA“, organizovao je moto manifestaciju na Bjelašnici koja je imala za cilj promociju turizma i prirodnih ljepota općine Trnovo. Zbog nastale situacije sa COVID-19, bio je limitiran broj učesnika.

Ostala planirane sportske manifestacije i takmičenja su otkazana zbog pandemije virusa COVID 19, koji je u velikoj mjeri uticao na sve aspekte i sfere života.

2. Služba za urbanizam, komunalne poslove, investicije i zaštitu čovjekove okoline

Poslovi iz djelokruga rada ove službe vrše se bez unutrašnjih organizacionih jedinica. Za vršenje poslova i zadataka iz nadležnosti ove službe utvrđeno je 6 radnih mjesta. U izvještajnom periodu služba je zaprimila 456 upravnih predmeta i 456 običnih akata.

Služba je kontinuirano radila na pripremi tenderske dokumentacije. Koordinacija na realizaciji projekata predviđenih Programom rada Općinskog načelnika i službi za upravu kao i Programom naplate i usmjeravanja sredstava za 2020. godinu.

Oblast urbanizma i prostornog planiranja

Sredstva planirana od naplate rente, a usmjerit će se na izradu projekata:

- **Izrada Urbanističkog projekta Bukova ravan**
Zbog ne prihvatanja Strategijske procjene uticaja planova na okoliš od strane Ministarstva prostornog uređenja, građenja i zaštite okoliša nije se pristupilo izradi plan iako je ista izrađena od strane IG Banja Luka.
- **Izmjene i dopune Regulacionog plana Igman**
Zbog stava Ministarstva da se mora uraditi Strategijska procjena uticaja planova na okoliš nije se pristupilo izradi plana.
- **Izrada Urbanističkog projekta Proskok**
Proveden javni konkurs za izbor najboljeg arhitektonsko – urbanističkog rješenja. Izrađen i usvojen Nacrt plana i provedena javna rasprava.
- **Izmjene i dopune Urbanističkog projekta Gornja Grkarica**
Zbog ne prihvatanja Strategijske procjene uticaja planova na okoliš od strane Ministarstva prostornog uređenja, građenja i zaštite okoliša nije se pristupilo izradi plan iako je ista izrađena od strane IG Banja Luka.
- **Izrada Urbanističkog projekta Igman**
Zbog stava Ministarstva da se mora uraditi Strategijska procjena uticaja planova na okoliš nije se pristupilo izradi plana.
- **Izrada Urbanističkog projekta Kolijevka**
Pripremljen koncept plana
- **Izrada Plana parcelacije Kuća spasa**
Iz razloga što nisu usvojene Izmjene i dopune Regulacionog plana sportsko – rekreacionog područja Bjelašnica nije se pristupilo izradi plan.
- **Izrada projekta pješačke staze Babin do Čakle**
Izrađen Glavni projekat pješačke staze.
- **Izrada projekta uređenja Klokočevice**
Izrađen Glavni projekat.
- **Izrada projekat centralnog vodovoda MZ Trnovo**
Izrađeno idejno rješenje centralnog vodovodnog sistema i glavni projekat za naselje Godinja.
- **Izrada projekta puta Šabići – Sinanovići**
Provedena tendersak procedura i izvršeno ugovaranje.
- **Izrada projekta puta Most pod Govedovićima -Most pod Bašcima**
Izrađen Glavni projekat za dionicu ispod Govedovića do ispod Jelačića.
- **Izrada projekta puta prokresa – Pandurica**
Izrađen Glavni projekat za navedenu dionicu puta.

- **Izrada projekta Proskok –Krstac**
Izrađen Idejni projekat od Javorova dola do izlaza sa Proskoka.
- **Izrada projekta puta Sinanovići – Sljemena**
Provedena tenderska procedura i izvršeno ugovaranje.
- **Izrada projekta prečištača**
U toku izrada Glavnih projekata prečištača u Bijeloj i pod Bobovicom.
- **Izrada strateške procjene uticaja na okoliš**
Izrađena studija od strane IG Banja Luka i ista dostavljena u Ministarstvo prostornog uređenja, građenja i zaštite okoliša.
- **Izrada Elaborata zaštite izvorišta**
Izrađen Elaborat za zaštitu izvorišta iznad Rakitnice, utvrđen Nacrt i provedena javna rasprava.

Izgradnja, rekonstrukcija, sanacija puteva

- **Sanacija puta Gornja Grkarica - Pendičići - dionica Prečko polje - Donja Grkarica**
Završeni kompletni radovi na dionici u dužini od cca 1200 m.
- **Sanacija puta Gornja Grkarica - Sinanovići -dionica Šakote – Kolijevka**
Izvršeno asfaltiranje u dužini od 520 m a u toku je izvođenje radova i rješavanje odvodnje na dionici Meki dol u dužini od 520 m.
- **Sanacija puta Gornja Grkarica - Sinanovići -dionica Prokresa – Pandurica**
Nije završena tenderska procedura.
- **Izgradnja kružnog toka na Grkarici**
U toku izvođenje radova.
- **Sanacij aputa Garež – Delijaš**
Provedena tenderska procedura i izvršeno ugovaranje za dionicu ispod Govedovića – prema Jelačićima. U toku izvođenje radova na stacionaži 45 + 00 do 44 + 00 (ispod Teljiga)
- **Sanacija i asfaltiranje puta Babin do - Štinji do**
Nije završena tenderska procedura za izbor najpovoljnijeg izvođača radova.
- **Sanacija i asfaltiranje puta Javorov do Proskok –Krstac**
Nije završena tenderska procedura za izbor najpovoljnijeg izvođača radova.
- **Sanacija i asfaltiranje puteva**
Izvršena sanacija i asfaltiranje puteva Ivanovo polje, Trebečaj, Dejčići – Ledići, Presjenica, Jablanica I.
Sanacija makadamskih puteva Elezovići - Konik, Šišići, Ozimine- pervisko groblje, Bistročaj i Dolovi
- **Asfaltiranje lokalnih puteva**
Izvršeno asfaltiranje puteva u Gračanici, Gaju, Dujmovićima, Šabancima, Rahovićima, Oziminama, Štinji do, Brda i Milišići, Kramari, Bobovica, Ostojići, Trebečaj, Rajski do - Godinja, Trnovo RS, Slavljevići, Balbašići.
- **Zimsko održavanje puteva**
Vršeno čišćenje lokalnih puteva u svim MZ i Kijevu a prema planu i programu.
- **Sanacija i asfaltiranje puta za Straište**
Izvršeno asfaltiranje planirane dionice.
- **Sanacija i asfaltiranje šumskih puteva**
Izvršeno asfaltiranje puteva za staro Greblje – Jastrebine, Rakitnica – Zarije i Bare – Omenik.

- **Sanacija i asfaltiranje puteva uz učešće građana**
Izvršeno asfaltiranje puteva za Umčane, Bobovica, Jablanica I te sanacija puta u Trebečaju i Gornjoj Presjenici.
- **Izgradnja parkinga na Bjelašnici**
Završeni planirani radovi.

Izgradnja Poslovno – sportskog centra

- **Izgradnja sportskih terena**
Izvedeni svi pripremni radovi.
- **Izgradnja terena sa balonom**
Izvršeno betoniranje temelja i nasip na lokaciji terena
- **Izgradnja sportske dvorane i relax zone**
U toku izvođenje građevinskih radova na izgradnji sportske dvorane i relax centra.
- **Izgradnja administrativnog objekta**
U toku izvođenje građevinskih radova na izgradnji objekta.
- **Izgradnja infrastrukture u poslovno -sportskom centru**
Izvršeno probijanje trase puta u obuhvatu u toku izgradnje kanalizacione i vodovodne mreže.

Izgradnja vodovodne i kanalizacione mreže

- **Izgradnja rezervoara Šiljak**
Radovi u završnoj fazi.
- **Izgradnja rezervoara Javorov do**
Zbog neriješenih imovinsko – pravnih odnosa nije se pristupilo izvođenju radova.
- **Izgradnja rezervoara Proskok**
Radovi u završnoj fazi izgradnje rezervoara.
- **Izgradnja vodovoda za Poslovno -sportski centar**
Završeni planirani radovi.
- **Izgradnja vodovoda za Godinju**
U toku izvođenje radova na izgradnji cjevovoda.
- **Izgradnja vodovoda u Bjelašnici II i Štinji do**
Završeni planirani radovi.
- **Izgradnja postrojenja za tretman otpadnih voda na Gornjoj Grkarici**
Izrađen Glavni projekat, urađena studija uticaja na okoliš.
- **Izgradnja bioprečištača u naselju Ostojići**
Objekat izgrađen nije priključen na elektro napajanje.
- **Izgradnja kanalizacije Umoljni**
Završeni planirani radovi od Elezovića do ispod Umoljana.
- **Izgradnja kanalizacije u selima**
Izgrađena kanalizacija na Gaju i Boljanovićima.

Ostali objekti

- **Izgradnja garaže**
U toku izvođenje radova u objektu.
- **Izgradnja škole u prirodi**
Završeni planirani radovi.
- **Izgradnja planinarskog doma na Pandurici**
Izrađen Glavni projekat ali se nije pristupilo izvođenju radova zbog nerješениh imovinskih odnosa.
- **Rekonstrukcija kuće spasa**
Izvedeni grubi građevinski radovi, objekat pokriven.
- **Izgradnja mostova**
Završena izgradnja mosta u Bijeloj.
- **Sanacija bunara u naseljima**
Završena sanacija bunara u Žilićima, Brdima, Lukavcu i Milišićima.
- **Izgradnja spomen kompleksa Proskok**
u toku usvajanje Urbanističkog projekta.
- **Izgradnja i održavanje javne rasvjete**
Provedena tenderska procedura i izvršeno ugovaranje. U toku radovi na proširenju javne rasvjete u MZ Trnovo. Održavanje rasvjete vrši preduzeće KJKP Park iz Sarajeva.
- **Izgradnja javnih česama**
Završena javna česma u Šabićima.
- **Izgradnja vodopojilišta Stubo i drvenih korita na vodopojilištima**
Projekat u završnoj fazi.
- **Izgradnja ograda na grobljima**
Nije rađena izgradnja ograda jer građani nisu obezbjedili učešće.
- **Izgradnja putokaza na ulazu u općinu**
Izabran izvođač i započeti radovi na Velikom polju.
- **Sanacija i izgradnja ograda na sportskim plohama**
Izgrađena ograda na sportskim plohama u Rakitnici i Trnovu.
- **Izgradnja naplatnih rampi**
Izgrađena rampa ispred objekta EGV na Bjelašnici.
- **Izgradnja podzemnih niša za kontejnere**
U toku betoniranje platformi za smještaj kontejnera na Babinu Dolu.
- **Rekonstrukcija sportskih ploha**
Izvršena rekonstrukcija tri sportske plohe u Šabićima i Trnovu.
- **Izgradnja spomen obilježja Zaimu Omamoviću**
Završeni planirani radovi na izgradnji spomen obilježja.
- **Izgradnja elektro, gasne i tt mreže za Prečko polje**
Završeni svi planirani radovi od Babina Dola do Prečkog polja.
- **Izgradnja šetnica**
Završen dio šetnice na Babinu Dolu
- **Interventne mjere i pomoć drugim općinama**
Izdvojena sredstva za pomoć povratnicima u općine istočne Bosne za izgradnju infrastrukture.
- **Hitne intervencije na infrastrukturnim objektima**
Rađeno na sanaciji infrastrukture na cijeloj općini (putevi, odroni, čišćenje snijega, korita rijeka i sl.)
- **Uređenje korita Rakitnice, bijele i Crne rijeke, uređenje suhih korita i hitne intervencije na čišćenju bujičnih potoka**

Završeni planirani radovi osim projekta Uređenja korita Rakitnice iz razloga što se morala ponavljati tenderska dokumentacija.

- **Uređenja centra MZ Šabići**
Završeni planirani radovi.
- **Hortikulturno uređenje**
Rađeno na hortikulturnom uređenju oko Srebrne lisice.
- **Obnova stambenih objekata**
Projekat realizovan u planiranom obimu.

Ostale usluge

- **Vršenje stručnog nadzora**
Nadzor na izgradnji objekata vršila firma Arting BH doo i Zavod za izgradnju Kantona Sarajevo.
- **JKP Trnovo**
U okviru projekta izgrađen vodovod Dujmovska brda – Bare, vodovod sa pumpnom stanicom u Umoljanima, pumpna stanica na Babinom Dolu i izgradnja vodovoda u Godinji.
- **Opremanje škole u prirodi**
U toku nabavka opreme za opremanje kuhinje i kamin sale.

Zajednički projekti sa drugim investitorima

- **Izgradnja rezervoara u Bogatićima i vodovoda Spile**
Sredstva doznačena Opštini Trnovo.
- **Izgradnja puteva u RS**
Izvršena sanacija i asfaltiranje puteva u Batićima, kod kuće Salema Karića put iznad džamije prema Ćosićima, Jablanica II, Jablanica I, Bogatići, Prečala i Grab

3. Služba za geodetske, imovinsko – pravne poslove i katastar nekretnina

Poslovi iz djelokruga rada ove službe vrše se bez unutrašnjih organizacionih jedinica. Za vršenje poslova i zadataka iz nadležnosti ove službe utvrđeno je 5 radnih mjesta. U izvještajnom periodu služba za upravu za geodetske i imovinsko pravne poslove i katastar nekretnina zaprimila je 543 upravnih predmeta i 1.372 običnih akat.

Služba je kontinuirano pratila realizaciju infrastrukturnih projekata u cilju iskolčenja i rješavanja imovinsko pravnih odnosa.

Osnovne aktivnosti Službe odnosile su se prvenstveno na zahtjev građana, pravnih lica, organa i organizacija radi ostvarivanja određenih prava i obaveza.

- Rješavala imovinsko- pravne odnose u cilju sanacije puta u naselju Pendičići .
- Rješavala imovinsko- pravne odnose na dijelu puta Babin Do-Šabići.
- Rješavala imovinsko- pravne odnosa za zemljište potrebno za izradnju kompleksa škole u prirodi u Šabićima.
- Kontinuirano pratila realizaciju infrastrukturnih projekata u cilju iskolčenja i rješavanja imovinsko pravnih odnosa.

- Vršila cijepanje parcela, snimanje izgrađenih objekata, provođenje nastalih promjena kroz katastarski operat.
- Vršila provođenje promjena za nosioce prava kroz katastarski operat
- Vršila izadanje potvrda o kućnom broju.

Pored redovnih poslova po zahtjevu stranaka Služba je u svrhu realizacije urbanistički projekta vršila sljedeće poslove:

- UP Bjelašnica II faza:
Izvršena je parcelacija građevinskog zemljišta, građevinske parcele prenesene na teren i u skladu sa stvarnim pravima pristupilo se raspolaganju neizgrađenog građevinskog zemljišta u vlasništvu Općine Trnovo. Na osnovu Odluke o načinima i uvjetima raspolaganja nekretninama u vlasništvu Općine Trnovo, raspisan je javni oglas za prodaju putem licitacije neizgrađenog građevinskog zemljišta i putem notarski obrađenih ugovora prodate lokacije najpovoljnijim ponuđačima.
- UP Bjelašnica I faza
Izvršena je parcelacija građevinskog zemljišta, građevinske parcele prenesene na teren i u skladu sa stvarnim pravima pristupilo se raspolaganju neizgrađenog građevinskog zemljišta u vlasništvu Općine Trnovo.
- Urbanistički projekat “Poslovno-sportski centar Trnovo”:
Riješeni imovinsko-pravni odnosi-općina Trnovo uknjižena kao vlasnik nekretnina obuhvaćeni Urbanističkim projekatom “Poslovno-sportski centar Trnovo”.
Na osnovu Odluke o načinima i uvjetima raspolaganja nekretninama u vlasništvu Općine Trnovo, raspisan je javni oglas za prodaju putem licitacije neizgrađenog građevinskog zemljišta i putem notarski obrađenih ugovora prodate lokacije najpovoljnijim ponuđačima.
- Urbanistički projekat “Bjelašnica Štinji Do”
U postupaku eksproprijacije zemljište obuhvaćeno Urbanističkim projekatom “Bjelašnica Štinji Do” ekspropisano i u toku je određivanje naknade za ekspropisane nekretnine.
- SRC Bjelašnica, Donja Grkarica, Prečko Polje, Kolijevka – I faza Prečko polje:
Izvršena je parcelizacija i prenos građevinskih parcela na teren sa iskolčenjem građevinskih objekata na teren.

Općina Trnovo je od Federalne uprave za geodetske poslove dobila u trajno vlasništvo opremu i finansiranje održavanje programa za katastar i njenu prezentaciju putem adrese www.katastar.ba. Na navedenoj adresi su dostupni podaci za katastar Općine Trnovo, a napravljena je i veza sa geoportalom gdje je moguće na ortofoto planu očitati broj, naziv i površinu parcele i katastarsku općinu. Pušten u rad softver za adresni registar (numeracija kućnih brojeva) i vrši se redovno ažuriranje podataka. Pušten je u rad i softver za registar cijena u saradnji sa Poreznom upravom FBiH i Federalnom upravom za geodetske i imovinsko pravne poslove FBiH.

4. Služba za civilnu zaštitu i inspeksijske poslove

Prema sačinjenom Programu rada za 2020. godinu Služba za civilnu zaštitu i inspeksijske poslove Općine Trnovo djelovala je i izvršavala svoje obaveze u okviru zakona i svojih ovlaštenja.

Poslovi iz djelokruga rada ove službe vrše se bez unutrašnjih organizacionih jedinica. Za vršenje poslova i zadataka iz nadležnosti ove službe utvrđeno je 5 radnih mjesta. U izvještajnom periodu služba za civilnu zaštitu i inspeksijske poslove zaprimila je 26 upravnih predmeta i 109 običnih akata.

Od poslova na kojima je rađeno u protekloj godini važno je izdvojiti aktivnosti na prikupljanju i predaji NUS-a, aktivnosti na gašenju većeg broja požara (uglavnom trava i nisko rastinje) i poduzimanje preventivnih protupožarnih mjera, aktivnosti na zaštiti od poplava i evidentiranju šteta od poplava, te aktivnosti iz nadležnosti urbanističko – građevinskog i komunalnog inspektora.

Služba civilne zaštite vrši i redovno prati popunu svih struktura civilne zaštite prema utvrđenoj formaciji. Po uzoru na druge službe civilne zaštite u Sarajevskom Kantonu dovedena je formacija u realne okvire. Popunjenost sa MTS-om je potpuno nezadovoljavajuća. Služba civilne zaštite stalno je angažovana na preventivnom djelovanju nastanka uzroka i pojava koje mogu dovesti do neželjenih posljedica kao i sugerisanje određenim subjektima na poduzimanju mjera iz njihove nadležnosti.

Smatramo da se u narednom periodu pored kadrovske osposobljenosti velika pažnja mora posvetiti i materijalnoj opremljenosti i osposobljenosti Službe za civilnu zaštitu i jedinica civilne zaštite, kako bi ova služba mogla adekvatno odgovoriti na pojavu eventualnih prirodnih i drugih nesreća koje zahtijevaju njeno angažovanje. Moramo napomenuti da zbog nedostaka sredstva, opreme i nedovoljnog ulaganja u strukture civilne zaštite, angažman civilne zaštite se uglavnom odnosi na praćenje i evidentiranje neželjenih pojava i posljedica, te saradnja i koordinacija sa drugim subjektima koje mogu pomoći da se neželjene pojave spriječe i pomognu u saniranju od posljedica ovih pojava.

U proteklom periodu ova služba je imala dobru saradnju sa svim drugim službama i organima viših i nižih nivoa vlasti, u sufinansiranju mjera zaštite i spašavanja u velikoj mjeri učestvuje Kantonalna uprava Civilne zaštite Kantona Sarajevo koja je svojim sredstvima pomogla da se sanira određeni broj klizišta te posljedice drugih prirodnih nepogoda kao što su poplave, olujni vjetrovi, snijeg i snježni nanosi itd.

Kontinuiranu saradnju sa Federalnom upravom CZ, Kantonalnom upravom CZ Sarajevo, Oružanim snagama BiH, MUP-om, BH MAC-om, Centrom za uklanjanje mina u Bosni i Hercegovini, osposobljenim za uklanjanje i uništavanje MES-a i NUS-a u cilju čišćenja od istih.

Po prijavi od strane građana izloženo je na lice mjesta te izvršeno uklanjanje ili obilježavanje MES-a ili NUS-a i njegovu predaju timovima za uništavanje istih.

BH MAC-u, Regionalni ured Sarajevo, Federalnoj upravi CZ dostavljeni planovi prioriteta za deminiranje u 2020. godini na osnovu kojeg su izrađeni projekti deminiranja. Na osnovu ovih projekata potrebno je iznaći finansijska sredstva za njihovu realizaciju.

Da bi se preduprijedile i ublažile posljedice prirodnih i drugih nesreća i zaštitili životi ljudi i materijalna dobra u nastavku je data realizacija mjera po programu rada:

- Izrada Planova zaštite od požara i postupanje po istim;
Općinska služba civilne zaštite je uradila Plan zaštite od požara u 2019. godini, već je postupala po postojećem Planu zaštite od požara, koji sadrži mjere i postupke od požara u slučaju postojanja neposredne opasnosti od nastajanja prirodne i druge nesreće, mjere i postupke zaštite i spašavanja od požara tokom trajanja prirodne i druge nesreće, mjere i postupke za ublažavanje i otklanjanje posljedica požara od prirodnih i drugih nesreća. Sredstva za izradu plana su obezbjeđena.
- Planiranje, uređenje i izgradnja požarnih puteva;
U protekloj 2020.godini je planirano i izvršeno uređenje i izgradnja požarnih puteva na sljedećim lokacijama : Razin gaj –Godinja, Presjenica-Umčani, krakovi požarnih puteva u selima Bašci, Slavljevići, Govedovići. Napominjemo da je sve aktivnosti vezane za planiranje uređenje i izgradnju požarnih puteva radilo i izvršavalo Dobrovoljno vatrogasno društvo Trnovo.
- Redovno održavanje protivpožarne opreme;
U septembru mjesecu 2020.godine izvršen je periodični pregled aparata za gašenje početnog požara u objektu, a na osnovu zakona o zaštiti od požara i vatrogastvu. Sve aktivnosti vezane za održavanje protivpožarne opreme vršio je. Proving d.o.o. inženjering Sarajevo.
- Redovna kontrola na provođenju protivpožarnih mjera;
Mjere zaštite i spašavanja od požara obuhvataju pripremu i provođenje preventivnih mjera u svim sredinama , objektima, mjestima i prostorijama gdje postoji mogućnost nastanka požara, organiziranje i pripremanje snaga za gašenje od požara, organiziranje, osmatranje i uzbunjivanje o pojavama požara, gašenje i lokaliziranje požara i spašavanje ljudi i materijalnih dobara iz objekta i područja ugroženih požarom. Svaka mjera zaštite i spašavanja od požara sastoji se iz procjene ugorženosti od prirodnih i drugih nesreća koju općina Trnovo još uvijek nije donijela ali sa obzirom na ubrzanu infrastukturnu izgradnju i razvoj općine u 2021.godini će se morati uraditi Procjena ugroženosti od prirodnih i drugih nesreća. Služba za civilnu zaštitu i inspeksijske poslove u skladu sa materijalno-tehničkim sredstvima i u skladu sa postojećom planskom dokumentacijom vrši kontrolu na provođenju protivpožarnih mjera.
- Praćenje plana realizacije, sanacije klizišta i izrada planova sanacije za nova klizišta;
Služba za civilnu zaštitu i inspeksijske poslove u saradnji sa službom za urbanizam, komunalne poslove, investicije i zaštitu čovjekove okoline, prati plan realizacije i sanacije klizišta. U periodu 2020.godine nismo imali hitnih intervencija saniranja klizišta.

- Zabrana gradnje objekta u blizini korita rijeka;
U 2020.godini nije zabilježen nijedan slučaj građenja objekta u blizini korita rijeka.
- U cilju spriječavanja snježnih lavina vršiti postavljanje zaštitnih mreža;
Služba za civilnu zaštitu i inspekcijske poslove u protekloj godini nije imala nijednu aktivnost kada je u pitanju postavljanje zaštitnih mjera u cilju sprečavanja snježnih lavina.

Osmatranje, otkrivanje i praćenje opasnosti od prirodnih i drugih nesreća, te pravovremeno izvještavanje nadležnih organa i uzbunjivanje stanovništva o postojećoj opasnosti. Služba za civilnu zaštitu i inspekcijske poslove, u skladu sa svojim materijalno-tehničkim mogućnostima, i u saradnji sa Kantonalnom i Federalnom upravom civilne zaštite vrši osmatranje, otkrivanje i prati opasnosti od prirodnih i drugih nesreća, a pogotovo kada se radi o požarima, poplavama i opasnostima od minsko-eksplozivnih sredstava. Oglašavanjem na web stranici općine Trnovo i dobrom saradnjom sa sekretarima svih mjesnih zajednica na teritoriji općine Trnovo, građani općine Trnovo su u velikoj mjeri informisani o mogućim prirodnim nesrećama i katastrofama.

INSPEKCIJA

U okviru službe za civilnu zaštitu i inspekcijske poslove, urbanističko - građevinski i komunalni inspektori su izvršavali zadatke i vodili postupak upravnog rješavanja u skladu sa Zakonom o upravnom postupku Federacije («Službene novine Federacije» broj 2/98, 48/99), Zakona o prostornom uređenju Kantona Sarajevo («Službene novine Kantona Sarajevo» broj 7/05 i), Zakon o prekršajima Federacije Bosne i Hercegovine («Službene novine FBiH» br. 63/14), Zakon o komunalnim djelatnostima («Službene novine Kanton Sarajevo: 31/04, 21/05 i 14/16), Zakon o privremenom korišćenju javnih površina na području Kantona Sarajevo («Službene novine Kantona Sarajevo», broj: 20/04, 26/12, 32/12 i 24/15), Odluka o legalizaciji građevina bez odobrenja za građenje i građevina privremenog karaktera («Službene novine Kantona Sarajevo», broj: 6/06, 18/08, 35/12, i 51/15), Uredba o opštim uslovima za snabdjevanje vodom za piće, obradu i odvođenje otpadnih i atmosferskih voda («Službene novine Kantona Sarajevo», broj 29/13), Zakon o inspekcijama Federacije BiH («Službene novine FBiH», broj: 69/05, 73/14 i 02/17) i ostalim zakonskim propisima.

URBANISTIČKO- GRAĐEVINSKI INSPEKTOR I INSPEKTOR ZA CESTE

U toku izvještajnog perioda urbanističko-građevinski i inspektor za ceste zaprimili su predmete koji su se odnosili na upravno rješavanje i izricanje zakonom propisanih mjera. U većini predmeta koji su se odnosili na ne upravne predmete, izvršene su provjere na terenu, kontrola dokumentacije potrebne za građenje, kontrola izgradnje objekata, te donijela su se rješenja za izricanje zakonom propisanih mjera, gdje je bilo potrebe, o čemu su podnosioci prijave i druge strane u postupku bile blagovremeno obavještene.

Inspektor se odazivao na pozive građana i drugih lica po pitanjima za koje nije imao nadležnost, na terenu je izvršena provjera navoda i upućeni nadležnim organima na dalje postupanje.

U skladu sa planiranim terminima inspektor je dostavio i svoj izvještaj o radu Ministarstvu prostornog uređenja i zaštite okoliša, te stanje bespravne izgradnje na

teritoriji općine, kao i spiskove izdatih odobrenja za građenje u 2020. godine, Kantonalnoj upravi za inspekcijske poslove -izvještaj o radu za 2020. godinu. Ministarstvu pravde i uprave-Upravnom inspektoratu : Informacije o stanju pojedinih predmeta.

Ovdje treba napomenuti da je u izvještajnom periodu inspektor rješavao predmete koji su započeti u protekloj godini pa je nastavak upravnog postupaka vođen i u izvještajnom periodu. Vršena je kontrola građenja i učesnika u građenju te da li se odvija u skladu sa propisanim zakonskim odredbama, odnosno sa ovjerenom projektnom dokumentacijom i izdatim odobrenjem za građenje.

U oviru svoje nadležnosti urbanističko-građevinski inspektor je u izvještajnom periodu vršio kontrolu donesenih rješenja o urbanističkoj saglasnosti, odobrenju za građenje i upotrebni dozvola koje je donijela nadležna općinska služba prema odredbama Zakona o prostornom uređenju («Službene novine Kantona Sarajevo» broj 24/17 i 1/18).

U izvještajnom periodu je nastavljen i postupak za predmete koji su započeti u 2019. godini te u svojim aktivnostima uradio 88 zapisnika na licu mjesta, donio 8 rješenja, 8 zaključaka, 1 zahtjev za pokretanje prekršajnog postupka, te 31 opći akt po raznim osnovama. Sve žalbe na donešene upravne akte su odbijene kao neosnovane od strane drugostepenog organa, a u dva predmeta je pokrenut upravni spor i uvedena mjera odlaganja izvršenja do okončanja upravnog spora.

KOMUNALNI INSPEKTOR:

U izvještajnom periodu inspekcijski poslovi su vršeni kroz redovne i vanredne kontrole, kao i intervencije na osnovu usmenih, pismenih i e-mail predstavki stranaka.

Komunalni, urbanističko – građevinski i inspektor sa ceste Općine Trnovo na teren, odnosno u inspekcijke preglede odlaze u paru zbog lične sigurnosti.

Komunalna inspekcija Općine Trnovo je vršila inspekcijski nadzor nad provođenjem postojećih propisa koji regulišu komunalnu oblast definisanu Zakonom o komunalnim djelatnostima Kantona Sarajevo i Zakonom o privremenom korištenju javnih površina na području Kantona Sarajevo.

Vršeći inspekcijski nadzor u 2020. godini komunalni inspektor je:

- izvršio 113 inspekcijskih nadzora (vršenjem inspekcijskog nadzora pravna lica, fizička lica i građani su upozoravani na utvrđene nepravilnosti koje su najčešće otklanjane pri dolasku inspektora ili po inspekcijskom zapisniku, a za one koji to nisu učinili donesena su rješenja o otklanjanju nedostataka),
- donešeno je 24 rješenja o otklanjanju nedostataka koji su uglavnom doneseni po službenoj dužnosti, a u određenom broju i po inicijativi građana i
- 4 rješenja su u stanju izvršenja;

Komunalni inspektor je zaprimljene predmete koji se odnose na oglašavanje o nenadležnosti komunalne inspekcije prosljeđivao Kantonalnoj upravi za inspekcijske poslove, te rađeni su i drugi dopisi, informacije i sl.

Inspekcijski pregledi su se najviše odnosili na uključenost u organizovani odvoz smeća, zauzimanja javnih površina, izlaganje robe, odlaganje građevinskog materijala i drugo. Takođe, aktivnosti su vođene oko čišćenja zaprljanih javnih

površina, na kontrolu ulične prodaje bez odobrenja, odlaganje i odvoz komunalnog otpada, prekopavanja javnih saobraćajnica i zelenih površina.

Kada je u pitanju zauzimanje javnih površina za postavljanje ljetnih i zimskih bašta, izlaganje robe, uglavnom su subjekti pribavljali odgovarajuća odobrenja, što je rezultat višestrukih inspekcijskih pregleda kod tih korisnika javnih površina tokom tekuće i ranijih godina.

Komunalni inspektor je u nevedenom izvještajnom periodu izlazio na teren da provjerava priključke na vodovodnu mrežu, te provjeravao da li su septičke jame urađene po propisima.

Deminiranje, uklanjanje i predaja NUS-a

U skladu sa razvojnim programima sačinjen je plan deminiranja na području Općine Trnovo prema listi prioriteta.

LISTA PRIORITETA ZA 2020. GODINU

R/B	ID	LOKACIJA	POVRŠINA m ²	Vrsta PMA
1.	5318	Grkarica-Prečani	81.169,99	čišćenje
2.	8633	Stojvice	60.212,53	čišćenje
3.	8634	Stojvice 1	66.624,95	tehničko izviđanje
4.	4568	Bjelašnica 3. Faza- Šiljak 3	45.148,00	tehničko izviđanje
5.	8610	Gračanička brda	71.066,49	tehničko izviđanje
6.	8611	Gračanička brda 1	73.629,75	tehničko izviđanje
7.	8535	Pendičići	37.111,22	čišćenje
8.	8537	Pendičići 1	65.901,79	tehničko izviđanje

UKUPNO

500.844,72 m²

U 2020. godini za deminiranje površina predviđenih listom prioriteta, Općina Trnovo u svom budžetu nije planirala nikakva sredstva, a deminerske akcije obećane od strane OS BiH nisu realizovane u ovom izvještajnom periodu.

Pod pojmom NUS-a podrazumjevaju se sva upotrijebljena, a neeksplozirana, rasturena, zaboravljena, zatrpna, potonula ili na neki način izmakla nadzoru ovlaštenih osoba ubojna sredstva. Prema prijavama građana i drugih organa nadležni timovi za uklanjanje NUS-a su izlazili na teren i vršili uklanjanje istih. U 2020. godini bilo je pet prijava od strane građana.

Požari

Općina Trnovo, putem svoje Službe civilne zaštite u skladu sa zakonskim obavezama, a u okviru svojih ljudskih i materijalnih potencijala, nastoji poduzimanjem preventivnih mjera spriječiti nastanak požara te otkloniti i umanjiti eventualne posljedice ovih požara.

Uspostavljena je dobra saradnja i koordinacija sa Profesionalnom vatrogasnom brigadom Kantona Sarajevo, dobrovoljnim vatrogasnim društvima, posebno sa

Vatrogasnim društvom "Trnovo", Policijskim odjeljenjem Trnovo, nadležnim inspekcijama i drugim organima koji se bave ovom problematikom.

Putem službe po svim mjesnim zajednicama podijeljeno je na stotine pismenih upozorenja o zabrani loženja vatre u blizini šuma, sa posebnim isticanjem krivične odgovornosti zbog kršenja člana 323. Krivičnog zakona FBiH, kojim je zapriječena kazna zatvora u trajanju od 3 mjeseca do tri godine, za sve one koji namjerno ili iz nepažnje prouzrokuju požare.

Bez obzira na sve poduzete mjere svake godine ponavljaju se iste stvari, požari pričinjavaju velike materijalne i druge štete koje općina Trnovo sama ne može spriječiti i nadoknaditi.

Da bi stekli barem približan uvid o brojnosti, vrsti, lokalitetima i štetama koje ovi požari nanose, izvještavamo vas da je DVD Trnovo u izvještajnom periodu imalo 56 intervencija.

Olujni vjetrovi

Obzirom da se područje općine Trnovo nalazi na prosječnoj nadmorskoj visini iznad 900 metara i da je smještena između i na obroncima planina Bjelašnice, Treskavice, Igmana i Jahorine, isto je često izloženo snažnim vjetrovima i olujama, a naročito u jesen i zimi.

U ovoj godini nije bilo jakih vjetrova koji su izazvali materijalnu štetu.

Snijeg i sniježni nanosi

U izvještajnom periodu za 2020.godinu na području općine Trnovo nije bilo nadprosječnih snježnih padavina, niti su iste izazvale veće probleme i bitnije uticalo na normalno odvijanje života na području općine Trnovo.

Od januara do marta 2020. godine intenzitet padavina, odnosno visina sniježnog pokrivača je bila ispod višegodišnjeg prosjeka. Prohodnost puteva u zimskom periodu bila je uglavnom dobra.

Za održavanje magistralnih i regionalnih puteva zaduženi su viši nivoi vlasti (Federacija BiH i Kanton Sarajevo), a o održavanju lokalnih puteva brine se Općina Trnovo. Već su odabrana preduzeća za čišćenje lokalnih puteva i ista su sa potrebnom mehanizacijom na terenu spremna za zimsku sezonu.

Poplave

Služba civilne zaštite Trnovo je pratila i vršila obilaske svih vodotoka i ugroženih područja i konstatovala da postoji objektivna opasnost od poplava koje bi mogle ugroziti ljude koji žive u blizini vodotoka i njihovu imovinu. Na prostoru općine Trnovo ove godine, a do kraja izvještajnog perioda nisu evidentirane veće poplave koje bi mogle ugroziti ljude i imovinu.

Klizišta

Na području općine registrovano je više aktivnih klizišta gotovo na svim mjesnim zajednicama. Neka klizišta su sanirana, neka privremeno sanirana, za neka su urađeni projekti, a na nekima je snimljeno stanje.

Smatramo da bi se u saradnji sa Kantonalnom upravom civilne zaštite i Kantonalnim mistarstvom za prostorno uređenje u narednom periodu morala obezbijediti sredstva za saniranje najugroženijih klizišta kako bi se izbjegle teže posljedice. Zbog nedostatka sredstava u proteklom periodu nismo bili u mogućnosti sanirati sva klizišta, ali su najkritičnija sanirana, pa trenutno ne predstavljaju veću opasnost.

Civilna zaštita i drugi nadležni organi pažljivo prate i obilaze sva potencijalno opasna klizišta, kako bi u slučaju potrebe mogli adekvatno reagovati.

U narednom periodu očekujemo daljnje rješavanje problema klizišta, posebno preventivnog djelovanja na samu pojavu istih. Odvodnja podzemnih voda, uređenja korita i planska gradnja samo su neke od mjera koje treba pouzovati da bi se smanjila pojava klizišta.

Zemljotresi

Zemljotres je prirodna pojava koja nastaje naglim, iznenadnim i kratkotrajnim pokretima slojeva zemljine kore, u obliku udara, talasa i podrhtavanja koja izazivaju manje ili veće pomicanje tla, usljed čega dolazi do rušenja i oštećenja objekata, uređaja i drugih dobara, a često uzrokuju povrede i smrt ljudi, kao i ranjavanje i uginuće životinja.

U izvještajnom periodu na području općine Trnovo nije zabilježeno podrhtavanje tla.

Pandemija (COVID 19)

U skladu sa ovlaštenjima koje ima prema Zakonu o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10), kao i drugim podzakonskim propisima iz oblasti zaštite i spašavanja, te Odluci Vlade FBiH o proglašenju stanja prirodne i druge nesreće uzrokovane pojavom koronavirusa (COVID 19) na području FBiH, („Službene novine FBiH“, broj 21/20), Odluke o proglašenju stanja prirodne i druge nesreće, zbog opasnosti širenja zarazne bolesti uzrokovane koronavirusom (COVID-19) na području Kantona Sarajevo i Naredbe Općinskog štaba civilne zaštite od 23.03.2020. godine, Općinski Štab civilne zaštite Trnovo (u daljnjem tekstu: Štab) je u periodu od 18.03.2020. godine do stupanja na snagu Odluke o prestanku stanja prirodne i druge nesreće na području Kantona Sarajevo, broj: 02-04-15108-1/20 od 31.05.2020. godine, radio na provođenju preventivnih mjera na smanjenju opasnosti od širenja zarazne bolesti uzrokovane koronavirusom (COVID-19) na području Općine Trnovo.

Štab je poduzeo sve mjere u cilju da se sačuvaju životi i zdravlje ljudi u vrijeme širenja COVID 19. Štab je uredno proveo sve naredbe i preporuke donesene od strane Federalnog i Kantonalnog štaba civilne zaštite.

Shodno Naredbama Federalnog i Kantonalnog štaba civilne zaštite, Općinski štab civilne zaštite Trnovo je vršio naredne aktivnosti:

Naredbom broj 02-40-845-1/20 od 19.03.2020. godine aktiviran je Općinski štab Civilne zaštite Trnovo.

Sve naredbe i mjere Općinskog štaba Civilne zaštite Trnovo su usaglašene sa naredbama i mjerama Federalnog štaba civilne zaštite

- Kupljena je zaštitna oprema za osoblje Doma zdravlja Trnovo;

- Postavljen je, šator za trijažu pacijenata, koji je naknadno zamijenjen adekvatnijim montažno-demontažnim objektom- tunelom za dezinfekciju, kroz koji je obavezan prolaz prije ulaska u ovu ustanovu, kako za pacijente tako i za zdravstvene radnike. Svi koji ulaze u Dom zdravlja Trnovo uključujući i zaposlene dužni su proći kroz tunel što će uz trijažu smanjiti rizika od unošenja virusa.
- Izrađen je i distribuiran letak s naredbama o ponašanju građana u stanju epidemije, te su građani blagovremeno obavještavani o svim mjerama i pozvani da poštuju naredbe, mjere i preporuke, te da budu odgovorni prema sami sebi, članovima svoje porodice i prema drugim ljudima ;
- Redovno se vršila dezinfekcija javnih prostora;
- Izvršena podjela zaštitnih maski i rukavica starijima od 65. godina;
- Izvršeno je pranje javnih površina na frekventnim mjestima;
- Uspostavljeno je skraćeno radno vrijeme u organu uprave i reduciran broj izvršilaca u skladu sa Naredbama Federalnog štaba civilne zaštite ;
- Shodno finansijskom planu rada Općinskog štaba civilne zaštite Trnovo, broj 02-40-845-4/20 od 25.03.2020. godine:
- Općina Trnovo organizirala je podjelu 500 (petstotina) paketa sa prehrambenim proizvodima starijim osobama od 65 godina i onima koje su u stanju socijalne potrebe, shodno Naredbi Općinskog štaba civilne zaštite Trnovo, broj 02-40-845-6/20;
- Izvršena nabavka sredstava za podršku ONLINE nastavi JU OŠ "Zaim Kolar", Trnovo Dejčići, shodno Naredbi Općinskog štaba civilne zaštite Trnovo, broj 02-40-845-7/20;
- Nabavljene i distribuirane zaštitne opreme i dezinfekcijskih sredstava, za potrebe Organa uprave Općine Trnovo i stanovništva općine Trnovo, Naredbi Općinskog štaba civilne zaštite Trnovo, broj 02-40-845-5/20;
- Izvršena nabavke, distribucija hrane i pelena za djecu mlađu od 3 godine, Naredbi Općinskog štaba civilne zaštite Trnovo, broj 02-40-845-8/20;
- Izvršena nabavka i dostavljanje lijekova pacijentima starijim od 65 godina, Naredbi Općinskog štaba civilne zaštite Trnovo, broj 02-40-845-9/20.

Općinski štab civilne zaštite je uložio sve napore da sačuva živote i zdravlje naših građana. Općina radi i na tome da se eventualne ekonomske posljedice po privrednike i građane spriječe i umanje.

Crveni križ općine Trnovo je poduzeo sve neophodne radnje kako bi se olakšao život građana naše općine, te njihovi aktivisti, volonteri, na čelu sa sekretarom, vršili su dostavu redovne terapije lijekova građanima starijim od 65 godina koji imaju redovnu terapiju, a koji nemaju bližih srodnika da se brinu o njima.

Dom zdravlja Trnovo je uspješno realizirao aktivnosti i pridržavao svih epidemološko zaštitnih mjera u skladu sa naredbama, preporukama i odlukama Kriznog štaba Ministarstva zdravstva Kantona Sarajevo, Federalnog i Kantonalnog štaba civilne

zaštite, te uspješno saradivao sa Općinskim štabom civilne zaštite Trnovo. Kao što smo već ranije naveli, ispred Doma zdravlja postavljen je trijažni objekat. Vršeno je testiranje osoba na koronavirus, redovno kontaktiranje osoba kojima je propisana izolacija i poduzimanje svih drugih aktivnosti, koje su u njihovoj nadležnosti.

Policajska stanica Trnovo je poduzela sve neophodne radnje, redovno su se izvršavale kontrole i sankcionisale osobe koji ne poštuju propisane mjere i naredbe. Policija je takođe radila na redovnoj provjeri osoba koje se nalaze u samoizolaciji, te na pružanju pomoći Azilantskom centru Delijaši.

Azilanti koji su smješteni u Azilantski centar Delijaši imaju potrebnu zdravstvenu zaštitu i sve neophodne uslove (hranu, odjeću, adekvatan smještaj) te su u cijelosti ispoštovane sve mjere i naredbe Federalnog štaba civilne zaštite kojima je, između ostalog propisano da azilantima nije dopušteno napuštati centar. Sve mjere su ispoštovane do njihovog stavljanja van snage.

Veterinarska stanica je u skladu sa Dinamičkim planom provođenja zdravstvenih sanitarnih mjera na području KS, obavila sve neophodne aktivnosti i ispoštovala sve naredbe i mjere.

Vatrogasno društvo Trnovo je stavilo na raspolaganje svoje kapacitete i resurse Općinskom štabu civilne zaštite u borbi protiv sprečavanja širenja koronavirusa. U sklopu aktivnosti na provođenju mjera na sprječavanju i suzbijanju širenja zarazne bolesti koronavirusa, Volonteri Općinske organizacije Crvenog križa su dostavili 500 paketa sa osnovnim životnim potrebštinama osobama koje su u stanju socijalne potrebe.

Shodno Zaključku Kantonalnog štaba civilne zaštite, broj 08-40-423-23-6/20 od 15.05.2020. godine, Štab civilne zaštite Trnovo je izvršio podjelu jednokratnih hirurških maski, koje mu je Kantonalna uprava civilne zaštite stavila na raspolaganje, penzionerima i socijalno ugroženim kategorijama na području općine Trnovo.

OJ DZ Trnovo je dana 22.05.2020. godine izvršio testiranje uposlenika Općine Trnovo, te je prvi test pokazao da je jedan uposlenik Općine Trnovo zaražen koronavirusom. Testovi svih ostalih uposlenika su bili negativni.

Vlada Kantona Sarajevo je dana, 31.05.2020. godine na prijedlog Štaba civilne zaštite Kantona Sarajevo, donijela Odluku o prestanku stanja prirodne i druge nesreće zbog opasnosti od širenja zarazne bolesti uzrokovane koronavirusom (COVID – 19) na području Kantona Sarajevo.

Navedenom Odlukom je, između ostalog određeno da će općinski načelnici sa područja Kantona Sarajevo, na osnovu vlastitih procjena utvrditi dalji rad svojih štabova, te je odlučeno da će Općinski štab civilne zaštite Trnovo, nastaviti raditi i pratiti stanje na ugroženom području, te će na bazi istog utvrđivati obim i potrebe za angažovanjem snaga i sredstava civilne zaštite.

5. Služba za privredu, finansije i lokalni ekonomski razvoj

Poslovi iz djelokruga rada ove službe vrše se bez unutrašnjih organizacionih jedinica. Za vršenje poslova i zadataka iz nadležnosti ove službe utvrđeno je 8 radnih mjesta.

U izvještajnom periodu služba je zaprimila 57 upravnih, 136 običnih akata i 65 predmeta iz oblasti javnih nabavki.

U oblasti finansija:

- Urađen izvještaj o završnom računu u 2019. godini.
- Usvojen Nacrt Budžeta za 2021.godinu.
- Odluka o izmjenama i dopunama budžeta Općine Trnovo za 2020. godinu
- Usvojen DOB 2021-2023
- Dostavljeni kvartalni izvještaji Ministarstvu finansija Kantona Sarajevo na propisanim obrascima
- Redovno praćeno izvršenje budžeta i dostavljani tromjesečni izvještaji općinskom vijeću Trnovo na usvajanje
- Dostavljeni mjesečni izvještaji o ostvarenim prihodima Ministarstvu finansija Kantona Sarajevo
- Dostavljeni posebni mjesečni izvještaji o ukupnim prihodima budžeta Općine Trnovo Ministarstvu finansija Kantona
- Dostavljeni kvartalni izvještaji o unutrašnjem dugu i izdatim garancijama Ministarstvu finansija Federacije Bosne i Hercegovine
- Redovno dostavljanje traženih informacija i izvještaja.
- Redovna knjigovodstvena evidencija i blagajničko poslovanje.
- Redovno izdavanje izlaznih faktura , zahtjeva za refundacije (po osnovu prevoza đaka, obezbjeđenja hotela Maršal i troškova električne energije, zakupa i javnih površina) .
- Dostavljene mjesečne PDV prijave Upravi za indirektno oporezivanje Sarajevo.
- Dostavljeni kvartalni izvještaji o radu službe općinskom načelniku .
- Vršena knjigovodstvena evidencija ulaznih faktura, faktura vezanih uz kapitalne projekte (fond prostornog uređenja) .
- Dostavljeni mjesečni izvještaji o isplaćenim plaćama, naknadama i doprinosima Federalnom zavodu za Statistiku.
- Dostavljen godišnji izvještaj o isplaćenim plaćama, naknadama i doprinosima Federalnom zavodu za Statistiku
- Isporučeni GIP obrasci svim uposlenim , članovima izborne komisije, članovima savjeta mjesnih zajednica , članovima komisija , i komitentima po osnovu ugovora o djelu.
- Dostavljeni MIP obrasci o isplaćenim plaćama, naknadama općinskim vijećnicima, isplaćenim komisijama i ugovorima o djelu Poreznoj upravi .
- Izvršen obračun plaća,naknada , komisija, naknada volonterima , pripravniciima, obračun prevoza učenika, obračun ugovora za fizičko obezbjeđenje hotela Maršal , ugovora o djelu itd.

U oblasti male privrede u toku 2020. godine doneseno je ukupno 55 rješenja.

- Iz oblasti obrta i obrtu srodnih djelatnosti doneseno je 48 rješenja,
- Ugostiteljska djelatnost, 5 rješenja

- Donesena su 2 rješenja iz oblasti finansija, i to rješenja o pogrešno uplaćenim sredstvima koja su se imala vratiti.

Stručni tim za utvrđivanje minimalnih propisanih uslova za obavljanje određene djelatnosti je zaprimio 11 zahtjeva za pregled poslovnih prostora i donio 7 rješenja o uslovnosti poslovnih prostora i objekata. U toku godine izvršena je ovjera 10 cjenovnika i 10 normativa za ugostiteljske objekte, te 1 ovjera knjige stranih gostiju.

Iz oblasti javnih nabavki učinjeno je slijedeće:

- Plan javnih nabavki donešen je 9.01.2020. godine. Isti je mijenjan i dopunjavan 16 puta u toku 2020. godine, usljed ukazane potrebe te zbog eventualnih sporazuma sa drugim institucijama šta je nalagalo obavezu usklađivanja Plana javnih nabavki. Istovremeno sa donošenjem plana, donijeta su rješenja o imenovanju stalnih komisija iz oblasti javnih nabavki u skladu sa članom 13. Zakona o javnim nabavkama („Službeni glasnik BiH”, broj 39/14). U toku 2020. godine su imenovane i posebne komisije za provođenje zajedničkih nabavki s drugim ugovornim organima.
- Zaključno sa 11.12.2020. godine pokrenuto je i okončano ukupno 65 predmeta iz oblasti javnih nabavki i to kako slijedi:

RB	Vrsta postupka	Broj postupaka
1.	Direktni sporazumi	26
2.	Konkurentski zahtjev za dostavu ponuda	15
4.	Pregovarački postupak bez objave obavještenja	1
5.	Otvoreni postupak	14

Od marta 2009. uspostavljen je Registar poljoprivrednih gazdinstava i registar klijenata na nivou BiH sa ciljem formiranja baze podataka u kojoj se evidentiraju poljoprivredna gazdinstva, ljudski potencijali (brojčano, starosno), veličina zemljišnih posjeda, stočni fond, stanje objekata, mehanizacija, itd.. Upis u registre je dobrovoljan, uz napomenu da samo registrirani imaju pravo podnositi zahtjeve za novčane podrške i druge oblike podsticaja razvoja poljoprivrede i ruralnog razvoja.

U Registru poljoprivrednih gazdinstava i Registru klijenata u općinskoj službi je registrirano ukupno 317 porodičnih poljoprivrednih gazdinstava, od toga kao obrti, odnosno srodne djelatnosti 29, dok je 288 porodičnih poljoprivrednih gazdinstava.

- Iz Registra poljoprivrednih gazdinstava izdato je ukupno 102 potvrda,
- Ukupno je izdato 65 potvrda A12 (za štalske objekte).
- Osim navedenog, urađeno je ukupno 10 statističkih izvještaja u 2020. godini.

Za razliku od predhodne godine, broj goveda na području općine Trnovo se povećao, te je sad ukupan broj goveda 290. Prema trenutnom stanju u Registru poljoprivrednih gazdinstava evidentirano je ukupno je 8.663 grla ovaca, s tim da prema podacima Komisije za dodjelu novčanih podsticaja u poljoprivrednoj proizvodnji na području općine Trnovo ukupno ima oko 5.600 ovaca. Osim ove dvije dominantne vrste važno je napomenuti da opada interes ljudi za uzgoj koza. Ukupan broj registrovanih koza iznosi 250.

Najveći rast od ukupne stočarske proizvodnje bilježi se u peradarstvu. Bilježi se konstantan rast proizvodnje tovnih pilića, gdje se svake godine povećavaju kapaciteti. Ukupno je u programu registra poljoprivrednih gazdinstava registrovano 125.000 tovnih pilića. Obzirom na sve navedeno, najveće šanse za razvoj stočarske proizvodnje ogledaju se u peradarstvu, tako da s pravnom možemo reći da je uzgoj tovnih pilića strateška grana u oblasti stočarske proizvodnje.

Putem Javnog poziva za dodjelu direktnih novčanih podsticaja u poljoprivrednoj proizvodnji, Općina je podsticala sljedeće vrste proizvodnji;

- animalna proizvodnja-ovčarstvo, govedarstvo i pčelarstvo;
- biljna proizvodnja- zasijane površine pod krompirom, graham i lukom, te zasad jagodičastog voća;
- matično knjigovodstvo- uzgojno selekcijski rad za ovčarstvo i govedarstvo.

Putem pomenutog Javnog poziva zaprimljena su 136 zahtjeva. Na osnovu zaprimljenih prijava Komisija je obišla svakog poljoprivrednog proizvođača te zapisnički utvrdila činjenično stanje. Od ukupno validne 151 prijave novčana sredstva u poljoprivrednoj proizvodnji su se dodjelila na sljedeći način:

- Direktni novčani podsticaji za animalnu proizvodnju:
 - ✓ Farma ovaca- 43 proizvođača;
 - ✓ Farma goveda- 48 proizvođača;
 - ✓ Pčelarstvo- 27 proizvođača.
- Direktni novčani podsticaji za biljnu proizvodnju:
 - ✓ Povrće- 23 proizvođača;
 - ✓ Jagodičasto voće- 10 proizvođača.
- Vođenje matičnog knjigovodstva-uzgojno selekcijski rad:
 - ✓ Farma ovaca i goveda- 9 proizvođača.

U toku godine raspisano je ukupno 2 Javna poziva za dodjelu tipskih kioska. Isti su na raspolaganju korisnicima.

RAZVOJ PRIVREDE

Razvoj poljoprivrede

Građani, odnosno Klijenti, upisani u RPG – registar poljoprivrednih gazdinstava shodno zakonskim propisima ostvarivali su podsticaje na vlastitu proizvodnju. Prevaziđeni su problemi koji su se javljali zbog nekontinuiranog prebacivanja finansijskih sredstava od viših nivoa vlasti. Važno je napomenuti da su ove godine vremenski uslovi bili nešto povoljniji za razliku od predhodne godine, tako da su i prinosi bili nešto veći, pogotovo u sektoru voćarstva. Zahvaljujući planiranim sredstvima iz budžeta, poljoprivredni proizvođači će dobiti dodatni novčani podsticaj te će na taj način unaprijediti postojeću proizvodnju.

Razvoj turizma

Prema ekonomskim pokazateljima, Općina Trnovo se smatra privredno nedovoljno razvijenom općinom koja svoju perspektivu, između ostalog, vidi u razvoju turizma. Općina raspolaže značajnim prirodnim potencijalima za razvoj turizma, naročito u oblastima sportsko-rekreativnog, seoskog, kulturno-historijskog i zdravstvenog turizma. Kao što je naznačeno prije, Trnovo obiluje neditnutim prirodnim ljepotama,

čistim planinskim zrakom, mnogobrojnim planinama, riječnim izvorima, tokovima, kanjonima i jezerima, kao i izvanrednim terenima za zimske sportove.

Turizam kao specifičan vid privrede je vrlo osjetljiva oblast, zahtijeva posebnu sistematičnost, ne trpi improvizacije, dugoročno se u njega planira i ulaže da bi donosio dobit.

Čitav prostor Igmana i Bjelašnice se tretira kao jedinstvena planinska stanica sa kompletnom turističkom ponudom tokom cijele godine. Razvoj te stanice Regulacionim planom sportsko rekreativnog područja Bjelašnica i Igman planiran je na dva lokaliteta i to Babin Do – Bjelašnica i Veliko polje – Igman. Osnovni punkt zimske rekreacije predstavlja zona skijališta vrh Bjelašnice – Babin Do sa stazama spusta, slaloma, i veleslaloma koje bi opsluživali objekti vertikalnog transporta (dvije žičare i šesnaest ski liftova). Proširenje osnovne zone planirano je prema masivu Šiljak sa ciljnim prostorima u Štinjem dolu i Donjoj Grkarici i predstavlja veoma povoljne terene za alpsko skijanje. Na osnovu naznačenih potencijalnih vrijednosti ovih prostora proizašla su i opredjeljenja o formiranju planinske stanice na prostoru općine koja omogućuje mnogostruke vrste turizma i turističke ponude: zimsko – sportski; rekreativni; edukativni; poslovni; kongresni; omladinski; memorijalni turizam; speleologija; manifestacioni turizam; ekskurzioni; zadovoljavanje raznih hobija; lovni turizam; planinarenje; alpinizam; zdravstveni i dr.

Uz uvažavanje postojeće Provedbeno planske dokumentacije Općina Trnovo je u cilju stvaranja pretpostavki za razvoj turizma na ovim prostorima donijela regulacione i urbanističke planove.

U odnosu na smještajne kapacitete u okviru turističke ponude područje Trnova za višednevni boravak (svi su smješteni na području Bjelašnice) gostima – posjetiocima može ponuditi :

Smještajni kapaciteti :

Hotel „ Han” i Hotel „ Bjelašnica” , te apartmanska naselja sa ukupno 1.142 apartmana.

Svi navedni sadržaji stavljeni su u funkciju u okviru projekata „Bjelašnica I i II“. Izvršena je i dodjela zemljišta za izgradnju poslovnih objekata u okviru urbanističkog projekta „Bjelašnica II“.

U prethodnoj godini kapaciteti Hotela „Maršal“ nisu u funkciji zbog poteškoća s kojima se društvo suočava, dok su u izgradnji i drugi objekti kojima će se povećati smještajni kapaciteti i cjelokupna turistička ponuda

Cjelokupan prostor Trnova odlikuje se ogromnim turističkim potencijalom koji čine brojne rijeke, čisti planinski potoci, olimpijske planine, bogatstvo flore i faune, kao i brojni kulturno-historijski spomenici. Svakodnevno broj turista, kako domaćih tako i inozemnih se povećava, što je evidentno po broju zatečenih posjetilaca na području općine.

Prostor planina je lijep ne samo zimi već i ljeti. Naravno, u zimskom periodu ono što najviše privlači posjetioce jeste skijanje i ostale zimske aktivnosti koje se uglavnom odvijaju na području Bjelašnice i Igmana, dok ljetni period je karakterističan po planinskim turama preko Igmana, Bjelašnice, Visočice, Jahorine i Treskavice, te kroz sela Umoljani, Rakitnica, Šabići, posjetama prirodnim ljepotama i kulturno-historijskim spomenicima, kojima je Trnovo izuzetno bogato.

Općina Trnovo ulaže velike napore u stvaranju pretpostavki za dalji razvoj turizma, pa tako se radi na usvajanju novih i korekciji postojećih urbanističkih projekata, ali i drugih kapitalnih projekata koji imaju za cilj poboljšati turističku ponudu, poput projekta Bjelašnica I i II, „Srebrna lisica“, „Bukova ravan“ gdje je planirano bosansko selo, „Javorov Do“, „Gornja Grkarica“, Plan parcelacije Tušila i Puzim.

Realizacijom navedenih Provedbeno – planskih dokumenata na ovim prostorima izgradio bi se jedan od najmodernijih sportsko – rekreacionih centara i stvorili uslovi za razvoj turističke privrede Općine Trnovo, Kantona Sarajevo pa i šire. Izgradnjom smještajnih kapaciteta, obnovom postojećih staza i vertikalnog transporta, izgradnjom novih staza i vertikalnog transporta izgradnjom sportskih terena na Gornjoj grkarici i Velikom polju razvija se sportsko – rekreaciona ponuda. Izvan prostora Igmana i Bjelašnice razvio bi se seoski turizam u naseljenim mjestima kroz izgradnju eko – etno sela, arhitektura stambenih i pomoćnih objekata prilagodila bi se originalnom obliku (autohtona podbjelašnička kuća) izgradili bi se uslužni objekti (planinske kuće i bungalovi). Izgradnjom modernih saobraćajnica povezuju se naseljena mjesta sa centrom, grade se kanalizacioni sistemi sa postrojenjima za tretman otpadnih voda za sva naseljena mjesta, izgradnjom regionalnog vodovoda Hojta – Bjelašnica – Igman rješava se snabdjevanje Bjelašnice i Igmana vodom kao i problem zasnježivanja staza. U proteklom periodu Općina Trnovo je investovala u izgradnju komunalne i komunikacijske infrastrukture, koja omogućava još bolje prilike za razvoj turizma na ovom području, te povećanje broja posjetilaca. U prethodnoj godini rekonstruisan je vertikalni transport, te pripremljene neophodne instalacije za osnježivanje staza. U cilju promocije turizma i podsticaja zapošljavanja na području Bjelašnice postavljeni su tipski kiosci, gdje se vrši prodaja rukotvorina, organskih proizvoda i iznajmljivanje opreme u toku zime. Općina provodi projekat izgradnje garaže na Bjelašnici, što će riješiti problem saobraćaja u mirovanju, te omogućiti lakši pristup posjetiocima na planinu.

Političke, administrativne i hijerarhijske blokade koje su evidentne prema lokalnoj zajednici ne treba da budu prepreka ili opravdanje da ne preduzimamo mjere koje su presudne. U slijedu ove konstatacije pred općinu Trnovo kao predstavnika lokalne zajednice postavlja se obaveza da preko naših prirodnih bogatstava, historijskih i kulturoloških “proizvoda“, tradicijskih, porodičnih rukotvorina, karakteristične arhitekture, etnografskih vrijednosti, te domaćinske susretljivosti, Trnovo približimo svijetu, moramo imati ambicije prodora u regiju.

6. Stručna služba općinskog vijeća i općinskog načelnika

Poslovi iz djelokruga rada ove službe vrše se bez unutrašnjih organizacionih jedinica. Za vršenje poslova i zadataka iz nadležnosti ove službe utvrđeno je 7 radnih mjesta, od čega su popunjena 4.

U 2020. godini Stručna služba Općinskog vijeća i Općinskog načelnika je vršila sljedeće poslove:

- Organizacija sjednica i obavljanje svih stručnih i administrativno-tehničkih poslova koje se odnose na rad Općinskog vijeća, njegovih radnih tijela i Kolegija vijeća (održano 6 redovnih sjednice Općinskog Vijeća, 6 sjednice Kolegija i 10 sjednica radnih tijela.);
- Priprema odluka, drugih propisa općih akata i ostalih materijala za potrebe Općinskog vijeća, njegovih radnih tijela i Općinskog načelnika (usvojeno 25 Odluka Općinskog vijeća i 27 Zaključaka Općinskog vijeća);
- Pravno-tehnička obrada i čuvanje dokumentacije Općinskog vijeća i načelnika;
- Vođenje zapisnika i evidencije o održanim sjednicama Općinskog vijeća, njegovih tijela, kolegija vijeća i načelnika i donesenim odlukama i drugim općinskim aktima;
- Praćenje izvršavanja akata Općinskog vijeća, njegovih tijela i načelnika;
- Protokolarni, operativno-tehnički i drugi poslovi za potrebe Općinskog vijeća i Općinskog načelnika;
- Svi poslovi na organizaciji i pripremi svečane sjednice Općinskog vijeća;
- Utvrđivanje konačnih tekstova nacрта i prijedloga akata koje donosi Općinski načelnik kao i akata koje Općinski načelnik predlaže Općinskom vijeću;
- Kompletiranje i dostavljanje materijala za sjednice Općinskog vijeća i njegovih radnih tijela na način utvrđen posebnom procedurom;
- Izrađivanje akata nakon što ih usvoji Općinsko vijeće i dostavljanje istih nadležnim službama općine i drugim organima i Službenim novinama Kantona Sarajevo radi objavljivanja;
- Pružanje stručne pomoći i informacija koje su potrebne vijećnicima u vršenju njihove funkcije;
- Dostavljanje vijećničkih pitanja i inicijativa Općinskom načelniku, nadležnim službama općine i drugim nadležnim organima;
- Praćenje stanja i zakonske promjene u oblasti za koju je osnovana, te predlaganje nadležnim organima poduzimanje odgovarajućih mjera;
- Vršenje poslova odnosa sa javnošću putem printanih i elektronskih medija (odgovori na upite medija i reprezentacijsko-reklamne kampanje);
- Priprema idejnih rješenja za sve vrste publikacija, čestitki, pozivnica i prezentacija;
- Poslovi prikupljanja informacija, interne komunikacije i informisanja u skladu sa Uputstvom o informisanju javnosti;
- Svakodnevno praćenje događaja, važnih datuma i projekata Općine i njihovo objavljivanje na službenu web-stranicu (139 objava u kategoriji vijesti i aktuelnosti, 14 objava u kategoriji obavještenja);

- Unošenje odluka, zaključaka i izvještaja Općinskog vijeća na web-stranicu Općine i na portal Kantona Sarajevo - Propisi KS (obaveza unosa propisa proističe iz Odluke o internet i intranet portalu KS);
- Priprema materijala (tekst i fotografija) za izradu godišnjeg izdanja Biltena Općine za 2019.godinu;
- Učešće u organizaciji programa i protokola za obilježavanje datuma od važnosti za Općinu Trnovo (delegacije za polaganje cvijeća ispred Općine i Općinskog vijeća);
- Organizacija, sprovođenje i koordinacija posjeta stranih i domaćih delegacija, investitora, te predstavnika javnih ustanova i institucija;
- Priprema press konferencija i intervju a Općinskog načelnika, rukovodilaca službi, predsjedavajuće Općinskog vijeća i njenih zamjenika kao i njihovo gostovanje u medijima;
- Oglašavanje u javnim glasilima za potrebe općine (objavljivanje javnih poziva u službenom listu i na web-stranici Općine -18 objavljenih javnih poziva);
- Odgovara na direktne ili telefonske upite za Općinskog načelnika, dočekuje klijente, poslovne partnere, zaposlene i druge koji su došli kod rukovodioca organa i uslužuje ih dok ih rukovodilac ne primi;
- U dogovoru sa Općinskim načelnikom zakazuje sastanke i vodi računa o rasporedu njegovih sastanaka, vremenu i mjestu njihovog održavanja

Broj: 02-02-426
 Datum: 12.02.2021. godine
 Trnovo

OPĆINSKI NAČELNIK
 Ibro Berilo